

中國方志叢書·華中地方·第五七號


據

明·李培等修·黃洪憲等纂
明·萬曆二十四年修
民國十四年鉛字重刊本

影印

浙江省

秀水縣志



5452/3
成交出版社有限公司印行



10097767

中國方志叢書·華中地方·第五七號


據

明·李培等修·黃洪憲等纂
明·萬曆二十四年修
民國十四年鉛字重刊本

影印

浙江省

秀水縣志



4458/13

成文出版社有限公司印行



10097766

中華民國五十九年八月臺一版

秀水縣志

全二冊

發行人：黃 成 助

出版者：成文出版社有限公司
台北郵政信箱二二六〇五號

台北郵政信箱二二六〇五號
台北市羅斯福路三段279之二號
電話：三七〇一三二號

印刷者：東南印製廠有限公司

和平西路二段70巷83弄29號

內政部登記證內版台業字第一一四七號

乙丑嘉平

秀水縣志

香嚴校印

序

余讀管敬仲水地篇曰水具材聖人治樞在水吳之水淖而清故其民佻巧越之水重而泊故其民質脆余邑以秀水名迺在吳西南垂而肘幾枕於越前代沿革不概見入我朝至章皇帝四年禾郡掄剽分七邑始割嘉興之半爲秀水其地東會滬瀆西控語溪凡具區天目苕霅之源逶迤曼衍折而入郡匯爲大澤其中平原陂廡無崇山巔頂之鎖而川流繡錯遞相灌輸江南則壤稱上腴焉而邑人士又多韶秀嫻文章接轍傳圭弁冕吳越間惟水具材信非虛語顧宣德以前猶隸嘉無別紀後有戴氏志其文不雅馴又所載僅耳目之什一今且廢而不傳少春李侯治行爲吳越高等引割多暇乃能苞舉藝文蒐羅故牘一日偕邑博汪君文璧陳君嘉謨許君桂儼然造余以邑乘爲請余謝不敏已復佐以孝廉項君元濂姚君世華而又遴選諸髦士分曹覈述略具梗概不佞

因而脩潤之大都義集於衆理斷諸公不敢以卮言飾事不敢以泚筆衡人至於民風吏弊月異歲殊不嫌纏纏陳之蓋五閱月而付殺青凡爲志者八爲志之時者幾五十余因是而竊有感於春秋吳越之季也方夫差破越雄視中原而史稱由拳辟塞實在敝邑宸宇當其時方二百里間熊羆哮囀之士卽未敢與要離縛設諸把臂寧渠無挺鉞搢鐸匹馬臨臬也者閱覽博物卽未敢與季札王孫雄相鴈行亦寧無茹言偃之菁華而漱延陵之芳潤也者忠耿切直不顧要領卽未敢與伍行人公孫亭長相伯仲亦寧無伸眉結臆高議文臺之上也者文犀之渠扁諸之劍欒溪之餘皇以及鶴阜鷄陂姑胥宿甲之侈麗亦寧渠無什一取供就李造自柴辟之墟也者皆無從考實爲邑多談蓋至西漢而僅存纍臣羞婦之墓離禾鞠草猶在然疑間及唐而陸宣公依日月之光匡扶社稷烏奕千古至宋建炎初虹流電繞篤生孝皇此王氣之獨鍾要非偶而已

也迨我明統化間文懿襄毅兩公乘時繼起入則造膝出則干城海以內望之
等於恆岱嗣後制科雲蒸遞執駢耳以至桑麻耒耜之蕃滋闡闡貨殖之殷賑
閱閱衣冠之輻輳窮鄉下里靡不敦揖讓而譚詩書豈非川源毓秀蘊崇旣久
而濬發於聖明之代耶顧邑乘久缺盛美弗彰迺今星羅奕布典籍載新土誦
之訓輶軒之採一按圖而可指掌余固知地非能自勝得志而益勝者也夫自
析邑以來涖茲土者非一人然刀筆筐篋劇而不暇志志矣或偷而不暇成就
如李侯理繁治劇遊刃有餘而以其間潤色鴻業雖假手諸曹而多稟印成指
懸鑑提衡可以信今傳後余又知志非能爲重以令君重者也今國家方脩正
史詔郡國徵掌故罔羅異聞余病廢久弗獲持橐承明無太史周南之嘆有裨
謚謀野之思雖彈丸小乘無當於廣輿大方而鼎鑪嘗味瓴水知春倘亦可見
其一班乎異日進而副在蘭臺俾簪筆者按掌故以屬詞剖符者視已事而習

吏實徼惠令君以永光文獻甘棠之澤與茲水競秀而爭長矣不佞亦與有榮
施哉李令君名培山東利津人萬曆己丑進士

萬曆二十有四年歲次丙申孟冬穀旦賜進士中順大夫太子少詹事兼翰林
院侍讀學士掌院事前春坊庶子編脩國史管理誥勅直起居注經筵日講官
碧山居士黃洪憲撰

秀水縣志目錄

輿地志

方域 山川 城郭 塘堰 坊巷 鄉都 市鎮 橋梁 風俗

建置志

公解 學校 祠祀 倉廩 驛遞 坊表 寺觀 兵伍

食貨志

戶口 田賦 貢課 物產 郵政

官師志

縣職 學職 巡檢 名宦傳

選志

科甲 貢舉 舍選 掾史 封蔭

人物志

帝紀 妃御 名臣 賢達 忠直 宦蹟 文苑 儒林 材武

孝友 高行 隱逸 列女 僑寓

藝文志

典籍 遺文

叢談志

襪祥 古蹟 丘墓 僊釋 翰墨 方伎 佚事

修志職官氏名

秀水縣知縣利津李培掌修

教諭休寧汪文璧

訓導縉雲陳嘉謨

翁源許桂分任

典史燕湖仇善董役

纂修邑人氏名

詹事府少詹事兼翰林院侍讀學士黃洪憲總裁

鄉進士項元濂

姚世華同修

庠生宋文鑑

金九韶

施養性

嚴可卿

沈啟緒

鍾世榮

馮登瀛

錢明選

李衷純

陳泰象

沈繼龍

卜萬祺

項德芬

朱大啟分纂

秀水縣志圖目
輿地總圖

本縣地理總圖

